

INUIT ATAQATIGIIT

Inatsisartuni



13. juni 2024, Nuuk

Inatsisartut Suleriaasianni § 37, imm. 1 naapertorlugu apeqqutit tulliuuttut Naalakkersuisunut saqqummiuppakka:

Naalakkersuisunut apeqqutit:

- 1. Naalakkersuisup sorliup Kalaallit Nunaanni pasinapiluttunik kalerriisartut pillugit Inatsisartut inatsisaata nutaap atulersinneqarnissaa akisussaaffigissavaa?**
- 2. Atuutilersitsinermik suliaqarnermi immikkoortut suut ilaatinneqassappat?**
- 3. Inatsimmi piginnaatitsissutit malittarisassanik erseqqinnerusunik aalajangersaanissamut tunngatillugu Naalakkersuisut sunik pilersaaruteqarpap?**
- 4. Innuttaasut inatsimmik nutaamik paasitinnissaannut Naalakkersuisut qanoq pilersaaruteqarpap?**
- 5. Pisortat suliffeqarfii suliffeqarfiillu namminersortut inatsimmik nutaamik paasitinnissaat pillugu Naalakkersuisut qanoq pilersaaruteqarpap?**

(Inatsisartunut ilaasortaq Asii Chemnitz Narup, Inuit Ataqatigiit)

Tunngavilersuut:

Ulloq 23. maj 2024 Pasinapiluttumik kalerriisut illersorneqarnissaat pillugu Inatsisartut inatsisaat akuerineqarpoq.

Inatsit pingaartorujussuaq namminersortunilu pisortanilu sulisunik inatsisinik unioqqutitsisoqarneranik pissutissalimmik pasitsaassisunut,

taakku pasinapiluttumik kallerriisarnermik aaqqissuussassamut nalunaarutiginnittarnissamik toqqissisimalersitsissasutut neriunaateqartoq.

Matumani inatsit annertoq sulisartunik sulisitsisunillu akuutitsilersussaq pineqarpoq. Taamaammallu siunnerfigisassat arlallit ilisimasanik sukumiisunik apuussivigineqartussaapput.

Transparency International Greenland 2020-mi innuttaasut akornanni inissisimasunik sinniisunik taakku ileqqorluttuliornernik pissaanermillu atornerluinermik misilittagaannik isumaannillu paasiniaaffigineqarput.

Iliuseqarnissamut isummamut tunngatillugu, 88 %-t inuttut ileqqorluttuliornernik nalunaarutiginninnissamik pisussaaffeqartutut misiginiissamut isumaqataanertik akissutigaaat.

60 %-t qanoq iliornissartik ilisimanagu ileqqorluttuliornerulluunniit sumut saaffiginnillutik nalunaarutiginiissaa nalullugu akipput.

Naak misissuineq ukiut sisamat matuma siorna pigaluartoq, akissutigineqartut ullumikkut allaanerunissaat takorlooruminaappoq.

Taamaammat inatsisip nutaap sukumiisumik paasisutissiissutiginiissaanut pisariaqartitsineq piuvoq.

Inatsisip akuerissutigineqarneranut atatillugu, inatsimmik nutaamik paasititsiniaanissamut 100.000 kr-nik immikkoortitsisoqarsimanera oqaatigineqarpoq.

Naalakkersuisut akissutaata tiginissaa qilanaaraara.